

## JOANJNÊ papia ñamataña

“Joanñê papia ñamataña” nec ñac tau keto kêtú ñam kapôên luagêcña. Tenj gebe êkêli lausêsamwaga gebe sêmbinj taunj tônj tamij Anôtô agêc Latu Jesu Kilisi, go tenj gebe ênam la êsêac gebe sejop taunj êndênj mêtê-geowaga. Embe têtanduguc êsêacnênj mêtê geo, oc êkac êsêac su anja Anôtô agêc Kilisi nênj. Mêtê keso ñam kêsêp lau, tañ seboc tamoa nom nec sec, tec têtônj gebe Anôtônê Latu Jesu mênjkêtu ñamalac ñanô atom. Kedônjwaga dansañ tonañ sêsôm gebe ñamalac sêmoa nom nec, kêtú sec ñamanô tau. Takônij nênj dabe tamoa matenj jalina tônj acgom, go amboac tajam taunj kêsigac. Go lau tonañ têtônj binj keso amboac tec gêwinj seboc Anôtô ênam lau kêsina gêjac lênj mansañ to têtac êwinj taunja ñawae atom.

Joan tec gesenj binj keso tonañ ñai ma gêwa Jesu kêtú ñamalac ñanô ñabinj sa gêc awêgenj, go kêtúwaka binj tonec sa gêc awê gêwinj gebe lau samob, tañ sêkênj gêwinj Jesu to têtac gêwinj Anôtô nanj, têtac êwinj elom tau amboac tonanjenj.

### Ñadênanj

1. Joan gêjac m papia tau 1:1-4
2. Nawê to ñakesec 1:5-2:29
3. Anôtônê ñapalê to Sadañne ñapalê 3:1-24
4. Binjanô to binj dansañ 4:1-6
5. Têtac êwinj launja gêjac samob ñawae 4:7-21
6. Takênj gêwinj ñanô kêtú gênj nomña samob tulu 5:1-21

### *Biñ tañ kêtú dangôñ matêñ jali ñañamôkê*

<sup>1</sup> Aêac ato gêdêñ amac kêpi biñ, tañ kêtú dangôñ materñ jali ñañamôkê nanñ. Biñ tau tonañ gêmoa gêdêñ Anôtô kêkêñ undambê to nom atomgenñ. Aêac anô biñ tau to alic ña materñanô. Aêac asala to ma lemeñ amosac biñ tau. <sup>2</sup> Materñ jali ñañamôkê geoc tau lasê, tec aêac alic to awa sa ma asôm lasê gêdêñ amac. Materñ jali ñañamôkê tengeñña tau gêmoa gêwiñ Tama ma geoc tau lasê gêdêñ aêac. <sup>3</sup> Biñ tañ alic to anô nanñ, aêac asôm lasê gêdêñ amac amboac tonañgeñ, gebe êmbiñ aêac tôñ tapi tagenñ dawinñ Tameñi agêc Latu Jesu Kilisi. <sup>4</sup> Aêac ato biñ tonañ gebe têtac ñajam ênac dabiñ tau.

### *Anôtô enñ ñawê*

<sup>5</sup> Ñawae tañ aêac anô anña ênê ma asôm lasê gêdêñ amac nanñ, biñ tau tonec gebe Anôtô enñ ñawê, ma ñakesec teñ gêc enña atomanô. <sup>6</sup> Aêac embe tasôm gebe aêac to enñ dabiñ tauñ tôñ tapi tagenñ, mago embe tasa lêñ ñakesecña, oc tansau biñdansañ ma dangôm biññanô tau ñanô êsa atom. <sup>7</sup> Aêac embe tasa lêñ ñawêña amboac enñ tau gêmoa ñawê ñalêlôm, go aêac tauñ dambiñ tauñ tôñ ma Anôtônê Latu Jesu nê dec êkwasiñ aêacnêñ sec samob su tatu selec. <sup>8</sup> Aêac embe tasôm gebe nêñ sec masi, oc tansau tauñ ma biññanô ênêc aêacnêñ ñalêlôm atom. <sup>9</sup> Ma embe daoc nêñ sec lasê, oc ñac ñañêñ to gêdêñ tau êsuc aêacnêñ sec ôkwi ma êkwasiñ aêacnêñ biñ geo samob su tatu selec. <sup>10</sup> Aêac embe tasôm gebe dagôm sec atom, oc takêñ Anôtô êtu dansañtêna, ma ênê biñ ênêc aêacnêñ ñalêlôm atom.

## 2

### *Kilisi kêtú aêacnêñ gêjamsawaga*

<sup>1</sup> O ñoc gêñac, aê kato biñ tonec gêdêñ amac gebe angôm sec atom. Mago ñac teñ embe êngôm sec, go ñac gêdêñ Jesu Kilisi tau êtu aêacnêñ ênamawenwaga êndêñ Tama. <sup>2</sup> Ñac tau kêkêñ tau kêtú da kêtú aêacnêñ secña. Mago kêtú aêac taunjen nêñ secña atom, kêtú lau nomña samob nêñ secña. <sup>3</sup> Aêac embe tamansañ Anôtônê biñsu, go êwa aêac sa gebe tajala engac. <sup>4</sup> Teñ embe êsôm gebe “Aê kajala engac,” mago êmansañ ênê biñsu atom, nañ en dansañtena, ma biññanô gêc ênê ñalêlôm atom. <sup>5</sup> Ñac tañ kêmasañ Anôtônê biñ nañ, gêjac dabiñ nê têtac gêwiñ enña tonjanôgen. <sup>6</sup> Biñ tonañ gêwa aêac sa gebe Anôtô gêbiñ aêac tôñ. Ñac tañ kêsôm gebe “Anôtô gêbiñ aê tôñ” nañ, êsa nê lêñ êtôm Kilisinê lêñ.

### *Biñsu wakuc*

<sup>7</sup> O lauace, aê kato biñsu wakuc teñ gêdêñ amac atom, biñsu langwa, tañ akôc gêdêñ gêmunjen. Biñ tañ anô su nañ, biñsu langwa tau tonañ. <sup>8</sup> Mago aê kato biñsu wakuc teñ, tañ ñanô kêsa kêpi Kilisi to amac nañ, gebe ñakesec gê su ma ñawê tau mênkêpoa lasêgac. <sup>9</sup> Ñac tañ kêsôm gebe “Aê gamoa ñawê ñalêlôm” mago têtac gedec nê lasitêwai nañ gêmoa ñakesec ñalêlôm e mênghêdêñ galoc. <sup>10</sup> Ñac tañ têtac gêwiñ nê lasitêwai nañ, gêmoa ñawê ñalêlôm ma nê biñ êwa lakô launja teñ gêc ênê ñalêlôm atom. <sup>11</sup> Mago ñac, tañ têtac gedec nê lasitêwai nañ, gêmoa ñakesec ñalêlôm ma kêsa lêñ ñakesecña. En gêjam kauc gamên, tañ gebe êna nañ, gebe ñakesec gêgôm en matapec kêsa.

<sup>12</sup> O ɲoc gêɲac, aê tec kato gêdêɲ amac nec, ɲam gebe nê m sec gêjaɲagac kêt u Jesunê ɲaêɲa. <sup>13</sup> O tamenjac, aê kato gêdêɲ amac, ɲam gebe ajala eɲ, taɲ gêmoa geden Anôtô kêkêɲ undambê to nom atomgen ɲaɲ. O lau matakac, aê kato gêdêɲ amac, ɲam gebe aku ɲac sec tau tulu su. <sup>14</sup> O ɲapalêac, aê kato biɲ gêdêɲ amac, ɲam gebe ajala Tamemi su. O tamenjac, aê kato biɲ gêdêɲ amac, ɲam gebe ajala eɲ, taɲ gêmoa gêdêɲ Anôtô kêkêɲ undambê to nom atomgen ɲaɲ. O lau matakac, aê kato biɲ gêdêɲ amac, ɲam gebe atu lau ɲajaɲagac ma Anôtônê biɲ gêc amacnê m ɲalêlôm, tec aku ɲac sec tau tulu su.

<sup>15</sup> Têmtac êwiɲ nom to gêɲ nomɲa samob atom. Teɲ embe têtac êwiɲ nom, ɲaɲ oc têtac êwiɲ Tama atom. <sup>16</sup> Gêɲ nomɲa samob, ôliɲ ɲakalac to materɲ kalac ma gêɲ tetoc taui saɲa ɲaɲ aɲga Tamenjinê atom, aɲga nomɲagen. <sup>17</sup> Nom to ɲagêɲlêlôm ɲakalac oc ênaɲa, ma ɲac taɲ êmansaɲ Anôtônê biɲ ɲaɲ, oc êmoa enden tôɲgen.

### *Kilisinê ɲacjosêga*

<sup>18</sup> O ɲapalêac, tê m ɲamuɲa mênkêsa su. Amac aɲô gebe Kilisinê ɲacjosêga oc êmêɲ, ma galoc Kilisinê ɲacjosêga taêsam sêmoa. Biɲ tonai gêwa sa gêdêɲ aêac gebe tê m ɲamuɲa mênkêsa su. <sup>19</sup> Lau tonai sêsa aɲga aêacnêɲ, mago têt u aêacnêɲ ɲagêdô ɲanô atom. Embe aêacnêɲ ɲagêdô ɲanô êsêac, oc semoa sêwiɲ aêac sêmoa. Mago sêwi aêac siɲ tec gêwa sa gebe êsêac samob têt u aêacnêɲ ɲagêdô ɲanô atom.

<sup>20</sup> Mago ɲac dabui gen oso amac, tec ajala biɲɲanô tau. <sup>21</sup> Aê kato gêdêɲ amac kêt u asagenja. Kato gebe amac ajala biɲɲanô atom me. Masigoc. Kato gebe ajala biɲɲanô tau su ma ajala

gebe biñdansañ teñ kêsa anğa biññanôña atom. <sup>22</sup> Dansañtêna tau asa. Nac tañ gêsa Jesu auc gebe eñ Kilisi atom. Ma Nac tañ gêsa Tama agêc Latu auc nañ, eñ Kilisinê ñacjosêga tau. <sup>23</sup> Lau samob, tañ sêsa Latu auc nañ, sêwê kainñ Tama atom. Ma samob, tañ sêsôm Latu lasê nañ, sêwê kainñ Tama sêwiñ. <sup>24</sup> Biñ tañ gemuñgeñ anô nañ, ênêc nê m ñalêlôm. Biñ tañ gêmuñgeñ anô nañ, embe ênêc nê m ñalêlôm, go Tama agêc Latu oc sêmbiñ amac tøj. <sup>25</sup> Ma biñ tau, tañ gêjac mata gêdêñ aêac nañ, tonec gebe danğonñ materñ jali teñgeñ.

<sup>26</sup> Aê kato biñ tonañ gêdêñ amac kêpi êsêac, tañ sebe sêwê amac ajô nañ. <sup>27</sup> Amboac tonañ apô lêna ñac êndonñ amacña teñ atom. Nalau Dabuñ kêdonñ amac gêñ samobña gêmoa. Ma biñ tau tonañ biñdansañ atom, biññanô. Amboac tonañ asap Kilisi tøj êtôm biñ, tañ Nalau kêdonñ amac nañ.

<sup>28</sup> O ñoc gêjac, galoc tonec asap eñ tøj, ec ñac tau embe eoc tau lasê, nañ tamoa totêntac êpa sugenñ ma êñgôm aêac majenñ êsa êndênñ noc êmu êmênña atom. <sup>29</sup> Embe nê m kauc êsa gebe eñ ñac gêdêñ, go ajala gebe lau samob, tañ sêgôm biñgêdêñ nañ, têt u Anôtônê ñapalê.

### 3

#### *Aêac tatu Anôtônê ñapalê*

<sup>1</sup> Alic acgom, Tamenñi têtac gêwiñ aêac kainñ teñ ñanô, tec kêsam aêac gebe Anôtônê ñapalê. Ma aêac tatu ênê ñapalê biññanôgoc. Lau nomña tec sêjam kauc aêac, gebe sêjala eñ atom. <sup>2</sup> O lauace, galoc tatu Anôtônê ñapalêgac. Mago êtu ñamu aêac oc tamoa amboac ondocgeñ. Biñ tonañ geoc tau lasê

gêdêñ aêac atom tagen. Biñ tonec tec tajalagac gebe Kilisi embe eoc tau lasê, go tatôm en tau, gebe aêac talic en lañôanô. <sup>3</sup> Ma lau samob, tañ sêkêñ mateñ en nañ, sêmansañ tauñ têtü selec, têtôm en tau kêtü selec.

<sup>4</sup> Lau samob, tañ sêgôm sec nañ, sesen Anôtônê biñsu. Sec tau ñam gebe dansen Anôtônê biñsu. <sup>5</sup> Amac ajalagac gebe Kilisi geoc tau lasê gebe êkôc sec su. Ma sec teñ gêc enña atom. <sup>6</sup> Lau samob, tañ Kilisi gêbiñ êsêac tôñ nañ, sêgôm sec atom. Lau samob, tañ sêgôm sec nañ, sêlic en atom to sêjala en atom.

<sup>7</sup> O ñoc gêñac, ajôp taôm gebe teñ êwê amac ajô atom. Ñac tañ gêgôm gêñ gêdêñ nañ, en ñac gêdêñ, kêtôm Kilisi tau en ñac gêdêñ. <sup>8</sup> Ñac tañ gêgôm sec nañ, en ança Sadañnê, gebe Sadañ tau gêjac m sec gêdêñ andanjen ñapañ e galoc. Anôtônê Latu geoc tau lasê gebe ensen Sadañnê kôm su.

<sup>9</sup> Ñac tañ kêtü Anôtônê ñapalê nañ, gêgôm sec atom, gebe Anôtônê ñaclai kêsêp ênê ñalêlôm. En kêtôm gebe êngôm sec atom, gebe kêtü Anôtônê ñapalê. <sup>10</sup> Biñ tonec gêwa Anôtônê ñapalê to Sadañnê ñapañ sa gebe Lau samob, tañ sêgôm gêñ gêdêñ atom to têtac gêwiñ lasitêwai atom nañ, Anôtônê ñapalê êsêac atom.

### *Biñ takêñ têtac êwiñ elom taunña*

<sup>11</sup> Jaen tañ amac anô gêdêñ andanjen nañ, gebe takêñ têtac gêwiñ elom tau. <sup>12</sup> Aêac tatôm Kain atomman. En ança ñac sec nê, tec gêjac lasi êndu. Gêjac en êndu ñam amboac ondoc. Ñam tonec gebe êna lêñ sec, ma lasinê lêñ gêdêñ. <sup>13</sup> O lasitêwaac, lau nomña embe têtac endec amac, nañ atakê atom.

14 Aêac têtac gawiñ lasitêwai, tec gêwa ea gêdên aêac gebe dawi gêmacanô siñ ma talom dangôn maten jaliña. Nac tañ têtac gêwiñ atom nañ, gacgen gêmoa gêwiñ gêmacanô. 15 Nac tañ têtac gedec lasitêwai nañ, kêtû ñac-gêjac-ñamalacênduwaga. Amac ajalagac gebe ñacgêjac-ñamalac-ênduwaga oc êwê kain êngôn mata jali tengeñña atom. 16 Kilisi kêkên tau gêjo aêac su, tec gêwa têtac gêwiñ ñam sa gêdên aêac. Amboac tonañ aêac takên tauñ tajô lasitêwai tanac ñawaegen amboac tonañ. 17 Nac ten embe nê awa nomña ênêc ma êlic nê lasitêwai sêpô lêna tauñ, mago nê ñalêlôm ñadani êndên êsêac, nañ têtac êwiñ Anôtôña ênêc ênê ñalêlôm amboac ondogen. 18 O ñoc gêñac, aêac têtac êwiñ ña biñ to ña awensuñ ñaôma atom têtac êwiñ ñanôgen to ñakolen êwiñ acgom.

### *Takô Anôtô lañônêm totêntac êpa sugen*

19 Biñ tonec êwa sa êndên aêac gebe aêac anga biññanôña, ma takô Anôtônê lañônêm tonên ñalêlôm malô. 20 Nêñ ñalêlôm embe êmêtôc aêac, go tajala gebe Anôtô en ñac kapôên kêlêlêc aêacnên ñalêlôm su ma kêjala gêñ samob. 21 O lauace, aêacnên ñalêlôm embe êmêtôc aêac atom, nañ takô Anôtô lañônêm totêntac êpa sugen. 22 Ma embe taten gêñ ten, oc takôc ñanô su anga ênê, gebe aêac tamasan ênê biñsu ma dagôm gêñ, tañ gêjac en mataanô ñajam nañ. 23 Ma ênê biñsu tau tonec gebe takên êwiñ ênê Latu Jesu Kilisi nê ñaê ma takên têtac gêwiñ elom tau êtôm biñsu, tañ kêkên gêdên aêac nañ. 24 Nac tañ kêmasañ ênê biñsu nañ, Anôtô gêbiñ ñac tau tôñ gêmoa gêwiñ en. Anôtô

kêkêñ Njalau gêdêñ aêac, tec gêwa sa gebe Anôtô gêbiñ aêac tôn.

## 4

### *Anôtônê Njalau ma Kilisinê ñacjosêganê ñalau*

<sup>1</sup> O lauace, propete dansañ taêsam mênşêsa dêdêñ ñamalac, tec akêñ êwiñ ñalau samob atom. Ansaê ñalau acgom e ajala oc anğa Anôtônê me masi. <sup>2</sup> Amac ajala Anôtônê Njalau êndêñ biñ tonec gebe Njalau tañ êsôm lasê gebe Jesu Kilisi kêtú ñamalac nañ, eñ anğa Anôtônê. <sup>3</sup> Ma ñalau, tañ êsôm biñ tonañ lasê êpi Jesu atom nañ, anğa Anôtônê atom. Eñ Kilisinê ñacjosêganê ñalau. Amac anô su gebe oc êmên ma galoc gêmoa nom sugac.

<sup>4</sup> O ñoc gêñac, amac anğa Anôtônê, tec aku ñacjo tulu su, gebe Njalau tañ gêmoa gêwiñ amac nañ, ñajaña kêlêlêc ñalau, tañ gêmoa gêwiñ lau nomña nañ su. <sup>5</sup> Êsêac anğa nom. Kêtu tonañña êsêac sêsôm biñ nomña ma lau nomña sêkêñ tañeñ êsêac. <sup>6</sup> Aêac anğa Anôtônê. Nac tañ kêjala Anôtô nañ, kêkêñ taña aêac. Nac tañ anğa Anôtônê atom nañ, kêkêñ taña aêac atom. Biñ tonañ gêwa Njalau biññanôña to ñalau dansañña sa gêdêñ aêac.

### *Têntac gêwiñ ñamôkê Anôtô tau*

<sup>7</sup> O lauace, takêñ têtac gêwiñ elom tau gebe têtac gêwiñ anğa Anôtônê. Lau samob, tañ têtac gêwiñ nañ, têtú Anôtônê ñapalê ma sêjala Anôtô kêtú tôn. <sup>8</sup> Nac tañ têtac gêwiñ gêc eñña atom nañ, gêjam kauc Anôtô, gebe Anôtô kêtú têtac gêwiñ ñamôkê. <sup>9</sup> Anôtô geoc nê têtac gêwiñ lasê kêpi biñ tecenec gebe eñ kêsakiñ nê Latu tagen gêmên nom gebe danğôn materñ jali êtu eñña. <sup>10</sup> Têtac gêwiñ



ņam kēsēp aēac tētac gēwiņ Anôtôņa nec atom, kēsēp Anôtô tētac gēwiņ aēacņa ma kēsakiņ Latu mēņkēkēņ tau kētu da kētu aēacnēņ secņa.

<sup>11</sup> O lauace, Anôtô embe tētac ēwiņ aēac kaiņ teņ amboac tonañ, go aēac takēņ tētac gēwiņ elom tau tanac ņawaegen amboac tonañgeņmaņ. <sup>12</sup> ņamalac teņ gēlic Anôtô atomanô. Aēac embe takēņ tētac gēwiņ elom tau, go Anôtô êmbiņ aēac tōņ ma nē tētac gēwiņ ênac dabiņ tau ênēc aēacnēņ ņalēlôm.

<sup>13</sup> Eņ kēkēņ ņalau gēdēņ aēac aņga tau nē ņalau, tec gēwa aēac sa gebe tamoa dawiņ Anôtô ma Anôtô gēmoa gēwiņ aēac. <sup>14</sup> Ma aēac alic to awa sa gebe Tama kēsakiņ Latu gebe êtu nom ņakēsiwaga. <sup>15</sup> ņac teņ embe êsôm lasē gebe Jesu eņ Anôtônē Latu, go Anôtô êmoa ēwiņ eņ ma eņ êmoa ēwiņ Anôtô. <sup>16</sup> Ma aēac tajala to takēņ gēwiņ gebe Anôtô tētac gēwiņ aēac ņanô.

Anôtô eņ tētac gēwiņ ņamôkē. Ma ņac taņ gēmoa totētac gēwiņgeņ naņ, gēmoa gēwiņ Anôtô ma Anôtô gēmoa gēwiņ eņ. <sup>17</sup> Aēac tec tamoa nom tatôm Kilisi gēmoa nom. Aēac embe taēņ ênam bēc mêtôcna totētac êpa sugen, go êwa sa gebe tētac gēwiņ gējac dabiņ tau aņga nēņ ņalēlôm. <sup>18</sup> Aēac embe tētac ēwiņ ņanô, go tatēc tauņ atom. Tētac gēwiņ ņanô kētiņ tatēc tauņņa su. Tatēc tauņ ņam gebe taēņ gējam sec ņagējô. <sup>19</sup> Aēac tētac ēwiņmaņ gebe Anôtô tētac gēwiņ aēac kētu ņamata su. <sup>20</sup> ņac teņ embe êsôm gebe “Aē tētac gēwiņ Anôtô,” mago eņ embe tētac endec lasitēwai naņ eņ dansaņtēna. Gebe ņac teņ embe tētac ēwiņ lasitēwai, taņ gēlic êsēac naņ atom, oc êtôm gebe tētac ēwiņ Anôtô, taņ galic eņ atom naņ, amboac ondoc. <sup>21</sup> Biņsu taņ

takôc anja ênê nan tonec gebe Nac tan têtac gêwiñ Anôtô nan, têtac êwiñ lasitêwai amboac tonanjen.

## 5

### *Takêñ gêwiñ go taku nom najaclai tulu*

<sup>1</sup> Lau samob, tan sêkêñ gêwiñ gebe Jesu en Kilisi nan, têtû Anôtônê napanê. Ma samob, tan têtac gêwiñ tama nan, têtac gêwiñ latu amboac tonanjen. <sup>2</sup> Aêac embe têtac êwiñ Anôtô to tamansañ ênê biñsu, oc êwa aêac sa gebe têtac gêwiñ ênê latui amboac tonanjen. <sup>3</sup> Têtac êwiñ Anôtô tau tonec gebe tamansañ ênê biñsu. Ma ênê biñsu tau nwapac atom. <sup>4</sup> Lau samob, tan têtû Anôtônê napanê nan, sêku nom tulu. Ma aêacnêñ takêñ gêwiñ kêtû taku nom tulu namôkê. <sup>5</sup> Asa tec oc êku nom tulu. Nac tagen, tan kêkêñ gêwiñ gebe Jesu en Anôtônê Latu.

### *Anôtô gêwa Latu sa*

<sup>6</sup> Jesu Kilisi en gêmên napa bu to dec. En gêmên tobugen atom, gêmên tobu ma dec gêwiñ. Ma Nalau tau gêwa biñ tonan sa gebe biñnanô, gebe Nalau en biñnanô tau. <sup>7</sup> Amboac tonan sêwa-biñnanô-sawaga têtêac tonec, <sup>8</sup> Nalau ma bu to dec. Ma êsêac têtêac tau tagen. <sup>9</sup> Aêac embe takêñ êwiñ biñ, tan namalac sêwa sa nan, go takêñ êwiñ biñ, tan Anôtô gêwa sa tonanô kêtêlêc su nan, amboac tonanjen. Biñ tan Anôtô gêwa sa nan tonec gebe gêwa nê Latu sa. <sup>10</sup> Nac tan kêkêñ gêwiñ Anôtônê Latu nan, gêmê kain biñ, têt Anôtô gêwa sa nê. Nac tan kêkêñ gêwiñ Anôtô atom nan, kêkêñ Anôtô kêtû dansantêna, gebe en kêkêñ gêwiñ biñ, tan Anôtô gêwa sa kêpi tau nê Latu nan atom. <sup>11</sup> Ma biñ, tan Anôtô gêwa

sa nan, tonec gebe Anôtô kékêñ aêac danğôñ mater jali tenğen. Ma danğôñ mater jali tonan ñam kêsêp ênê Latu. <sup>12</sup> Ñac tanğewê kain Anôtônê Latu nan, gêwê kain êñğôñ mata jali. Ma ñac, tanğewê kain Latu atom nan, gêwê kain êñğôñ mata jali atom amboac tonanğen.

*Biñ danğôñ mater jali tenğenña*

<sup>13</sup> Aê kato biñ tonanğedên amac, tanğakênğewiñ Anôtônê Latunê ñaê nan, gebe ajala amac awê kain anğôñ matem jali tenğen. <sup>14</sup> Aêac embe tatenğên êtôm ênê biñ, oc êkênğanja aêac, tec dandên en tana totêntac êpa sugen. <sup>15</sup> Aêac embe tajala gebe êkênğanja biñ, tanğaten nan, go tajala gebe takôcğên, tanğaten nan, anğa ênê su.

<sup>16</sup> Ñac tenğembe êlic lasi êñğôm sec, tanğkêtôm gebe ensen en su ênaña atom, nan eten Anôtô, go êkênğen êñğôñ mata jali. Biñ tonanğêkanôñ lau, tanğsêgôm sec, tanğkêtôm gebe ensen êsêac su sênaña atom nan. Mago sec tenğêc, tanğkêtôm gebe ensen ñamalac su sênaña. Aê jasôm gebe atenğmec êtu sec tonanğña atom. <sup>17</sup> Biñ geo samob tonanğsec. Mago sec ñagêdô kêtôm gebe ensen ñamalac su sênaña atom.

<sup>18</sup> Aêac tajalagac gebe Anôtônê ñapaê samob sêgôm sec atom, Anôtônê Latu tau gejob êsêac, gebe Sadañ tau êmoasac êsêac atom.

<sup>19</sup> Aêac tajalagac gebe aêac anğa Anôtônê ma nom samucgenğkêsô Sadañ ñalabu.

<sup>20</sup> Ma aêac tajalagac gebe Anôtônê Latu gêmên, tec kékêñ kaucğedên aêac gebe tajala Anôtô ñanô. Ma tamoadawiñ Anôtô ñanô tau gebe dawinğênê Latu Jesu Kilisi. Ñac tonanğAnôtô ñanô ma danğôñ

maten jali tengeŋ ɲam eŋ. <sup>21</sup> O ɲôc gêɲac, ajop taôm êndêŋ anôtôi jaba.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb